



Fernand ETGEN
President vun der
Deputéiertechamber
19, um Krautmaart
L-1728 Lëtzebuerg

Lëtzebuerg, den 21/08/2020

Här President,

Sou wéi den Artikel 83 vun eisem Chambersreglement et virgesäit, biede mir Iech, dës parlamentaresch Fro un de Minister fir Aussenugeleeënheeten an Europa weiderzeleeden.

An engem Artikel an der New York Times vum 14ten August 2020 ass vun enger immens repressiver Approche vun der griichescher Flüchtlingspolitik ze liesen. Zeieberichter no goufen an de leschte Méint eng dausende Flüchtlinge vun de griicheschen Uerdnungskräften aus dem Land Richtung Tierkei zeréckbruecht an dat deelweis op oppenem Mier an iwwerfëlltene Booten. Schonn den Human Rights Watch hat de 16te Juli 2020 vu mënschenonwierdege Prozedure beriicht, déi d'Flüchtlingen a Griicheland iwwert sech ergoosse mussen: Zerstéierung vu perséinlechem Eegentum, wéineg bis keng Precautionsmesurë fir d'Leit géint de Covid-19 ze schützen an d'Zwangsexpulsioune, déi ganz a guer net am Aklang mam Asylrecht sinn. Bref, d'Mënscherechtersituatioun vun de Flüchtlingen a Griicheland, sou wéi se vun der onofhängeger Organisatioun beschriwwen gëtt, wierkt katastrofal an indigne. Dofir ass awer net nëmme Griicheland eleng verantwortlech, mee all d'EU-Staaten an och Lëtzebuerg.

An deem Zesammenhang wëllt mir dem Minister dës Fro stellen:

1. Ass den Ausseminister um Courant vun esou schwéiere Mënscherechtsverletzungen a Griicheland a kann hien d'Veracitéit vun de Berichter bestätegen? Wéi eng weider Konsequenze wäert den Ausseminister zesumme mat der Regierung an deem Abléck zéien?
2. Sinn d'Praxissen, wéi Griicheland se no de Berichter duerchféiert, konform mam europäeschen Asylrecht a mat de Mënscherechter? Däerf ee Staat Asylbewerber (DPIen) einfach esou op oppenem Mier aussetzen?
3. Op EU-Niveau ass ëmmer erëm vun de Sécherung vun de Bausegrenze rieds, ma wéineg iwwert den Accueil an d'Wuelergoe vun de Flüchtlingen. Och d'Reform vun dem Asylrecht schéngt op Äis ze leien. Ass den Ausseminister der Meenung, dass Lëtzebuerg an dësen Zäiten Griicheland a senger Aufgab Flüchtlingen ze empfanke besser hëllef muss, andeems méi Ressourcen aus eisem Budget fir d'Flüchtlingspolitik prett gemaach



www.piraten.lu


ginn a kontrolléiert gëtt, datt d'Suen am Nachhinein och fir d'Flüchtlinge benotzt ginn?

Mat déiwem Respekt,



CLEMENT Sven
Député

Mat déiwem Respekt,



GOERGEN Marc
Député

